


聖王濟總錄

一百

庫文閣内		
三	三	漢
三	三	漢
内閣文庫		
番號	漢	12609
冊數	200 (102)	
函號	300	212



大正
之
印

通書校聖海經卷第一百

諸尸門

諸尸

飛尸

諸注門

諸注

走注

泉注

中惡

尸厥

遺尸

尸注

風注

惡注

卒屍不葬

卒屍

鬼然

諸尸

大學
校典
局之
印

大德重校聖濟總錄卷第一百

諸尸門

諸尸

遁尸

飛尸

尸注

諸注門

諸注

風注

走注

鬼注

氣注

卒魘不寤

中惡

卒死

尸厥

鬼魅

大德重校聖濟總錄

如飛走狀者名飛尸停遁不消者為遁尸沉痼在人藏
府者為沉尸衝風則發者為風尸隱伏積年不除者為
伏尸唯此五尸之氣變態多端各各不同大率皆令人
沉沉默默痛無常處五尸之外復有尸氣雖各有證然
其為病大同小異而已治法亦可通以一法治之
治五尸痕積及中惡心痛蠱注鬼氣雄黃丸方

與雄黃研

丹砂研

礬石煨

白牡丹皮三

巴豆

去皮心膜
炒研出油盡

藜蘆去蘆
頭炙

附子

炮裂去皮
臍各壹兩
蜈蚣去足
炒壹枚

右八味搗研為末鍊蜜丸如小豆大每服二丸米飲

下食前服

治五尸蠱注中惡客忤心腹刺痛丹砂丸方

丹砂研壹兩

巴豆

去皮心
麩炒出
臍各拾枚

乾薑炮

芎藭

芫花醋炒

烏頭

炮裂去皮
臍各壹兩

赤芍藥

桂去麤皮各
壹兩半

野葛

吳茱萸

湯浸焙炒
各參分

右一十味搗研為末鍊蜜丸如小豆大每服二丸米

飲下空心服

治五尸蠱注中惡客忤心腹刺痛丹參丸方

丹參微炒
壹兩

芍藥壹兩

芎藭

芫花醃

烏頭炮裂去皮

乾薑炮各壹兩

桂去麤皮壹兩半

野葛皮炙黃半兩

吳茱萸湯浸焙炒半兩

蜀椒去閉口并炒出汗 梔子人各壹兩

巴豆去皮心麩炒研出油盡壹

拾枚

右一十二味搗研為末鍊蜜丸如小豆大每服三九

米飲下日三服

治五尸注百毒惡氣飛尸客忤無所不治雄黃丸方

雄黃研

鬼臼去毛

莽草各貳兩

蜈蚣去頭足炙壹枚

巴豆去皮心膜炒研出油盡陸拾枚

右五味搗研為末鍊蜜丸如小豆大每服一九至二

丸米飲下得利即愈

治卒中飛尸遁尸沉尸風尸腹痛脹急不得氣息上衝

心胸及攻兩脇或礫塊踊起或攣引腰脊雄黃丸方

雄黃研

大蒜各壹兩研

右二味爛搗和丸彈子大每服一九熱酒化下須臾

未差更服有尸疹者常宜預收此藥

治五尸鬼注百毒惡氣散方

桂去麤皮

乾薑炮各壹兩

右二味搗羅為散每服三錢匕用炒鹽半錢匕溫水

同調服之

治中五尸腹痛脹急不得喘息上衝心胸及攻兩脇或
礫塊踊起孿縮引腰脊蒺藜子丸方

蒺藜子炒去角

右一味搗羅爲末鍊蜜丸如小豆大每服二十九食

後熟水下日三服

治遁尸

論曰遁尸謂尸埋伏染注連滯在於胸腹背膜之間尋
常如無病人若因喜怒不節飲食傷動其隱伏之疾發
則心腹脹痛連及肢脇氣喘促急不得安臥者是其證
也

治遁尸注在傍人或入腹中化爲蠱毒有聲或在咽喉
或入諸脉不在一處入人腹內蠱成蝕人五藏入心令
人面赤入肺令人面白少氣入肝令人面青善怒轉筋
入腎令人呻吟面黑腰痛耳聾入脾令人面黃不嗜食
飲羸瘦小便數胸中噎塞嗔喜無常及妖魅百注爲病
天雄散方

天雄炮裂去皮蜈蚣去足微

莽草微炒

雄黃研如粉

乾薑炮裂

烏頭炮裂去皮

真珠研如粉

桂去麤皮

蜀椒去目并閉口

兩半

細辛去苗葉

芫青去足翅微炒

丹砂研如粉壹兩半

防風去叉壹兩半

斑猫去翅足微炒拾伍枚

犀角鑿壹兩

鬼白去毛微炒壹兩

右一十六味搗羅為散每服一錢匕空心以清酒調

下日再服

治初得遁尸及經年不差心腹短氣鶴骨丸方

鶴骨炙參寸

羊鼻炙微焦貳枚

乾薑炮裂壹兩

麝香研半兩

蜥蜴去頭足炙壹枚斑猫去翅足微炒拾肆枚

鷄屎白微炒壹兩

巴豆去皮心微炒出油盡貳拾枚

芫青去翅足微炒貳拾枚藜蘆去蘆頭微炙壹兩

右一十味搗研為末拌勻鍊蜜和丸梧桐子大每服

空心米飲下二九以吐利為度

治遁尸經年不差心腹刺痛短氣麝香丸方

麝香研半兩

蜥蜴去頭足微炙壹兩

鶴骨微炒參寸

殺羊鼻炙令焦黃貳枚乾薑炮裂壹兩

雞屎白微炒貳兩

巴豆去皮心微炒出油盡伍枚

芫青去翅足微炒貳拾枚

藜蘆去蘆頭微炙壹兩

鬼白去毛微炙壹兩

丹砂研如粉壹兩

桂去麝皮壹兩

右二十二味搗研為末拌勻鍊蜜和丸如小豆大每

服空心以米飲下二九日二服稍加至五九以吐利

為度

治初得遁尸鬼注心腹中刺痛不可忍木香湯方

木香分參 木香分參 鬼箭羽兩壹 桔梗兩壹 剉炒

丁香分參 桃人湯浸去皮尖雙人炒黃色拾肆枚

陳橘皮湯浸去白微炒壹兩 紫蘇莖葉微炒壹兩

當歸焙乾壹兩 白檳榔慢火煨拾肆枚剉

右九味麤搗篩每服五錢匕以水二盞煎至七分去

滓溫服日二服不計時候

治初得遁尸鬼注心腹中刺痛不可忍木香湯方

木香兩壹 鬼箭羽 桔梗剉炒

紫蘇莖葉炒令焦壹兩 當歸焙乾各壹兩半 白檳榔微煨剉貳兩

右六味麤搗篩每服三錢匕水二盞入生薑一分拍

破同煎至七分去滓空心溫服日三

治遁尸鬼注腹中刺痛不可忍桃梟湯方

桃梟微炒拾肆枚 鬼箭羽 木香

丁香各壹兩 桔梗剉炒 陳橘皮湯浸去白微炒

紫蘇莖葉微炙 當歸焙乾各壹兩半 檳榔慢火煨剉拾肆枚

右九味麤搗篩每五錢匕水一盞半生薑一分拍碎

同煎取一盞去滓分溫二服相去數刻服之

治遁尸飛尸及暴風毒腫流入頭面四肢蒸熨方

芥子蒸熟焙壹升

右搗羅為末以鉛丹二兩拌之分作兩處用疎布袋盛之更換蒸熟以熨痛處

飛尸

論曰飛尸者其狀令人心腹刺痛氣息喘急脹滿上衝心胸是也此病發無由漸忽然而至疾如飛走故謂之

飛尸

治一切飛尸鬼注風痺身體皆痛如針刀刺嘔逆痰癖

除五勞七傷萬病附子散方

附子

炮裂去皮臍

烏頭

炮裂去皮臍

芫青

去足翅微炒

雄黃

研

丹砂

研

乾薑

炮裂

細辛 去苗葉

人參

莽草 微炙

鬼臼 去毛微炒

蜀椒

去開口并目微炒出汗各壹兩

蜈蚣

去頭足微炙壹枚

蜥蜴

去頭足微炙壹枚

右一十三味搗研為散再羅令勻每服空心溫酒調

下半錢匕日再服

治飛尸入腹脹滿刺痛氣息喘急走馬湯方

巴豆

貳枚去皮心

杏仁

貳枚去皮尖雙人

右二味以綿纏椎令極碎投熱湯二合指捻取白汁分三服飲之食頃當下老小量減之

治一切飛尸鬼注身痛如刺雄黃散方

雄黃研

甘草炙

黃芩去黑心各半兩

梔子皮去

芍藥剉碎微炒各壹兩

右五味搗羅為散每服以溫酒調下二錢七日再服

不拘時候

治飛尸在人皮膚中又名惡脉亦名賊風發時急頭痛

不在一處針灸則移發時一日或半日微差須臾復發

細辛散方

細辛去苗葉壹分

桂去麤皮參分

附子炮裂去皮臍壹兩

雄黃研半兩

烏頭炮裂去皮臍壹兩

天雄炮裂去皮臍壹分

乾薑炮壹兩

莽草微炒壹分

真珠末研參分

右九味搗研為散每服空心米飲調下一錢七日二

服一方酒服

治飛尸病腫光如油色無常定處三黃散方

黃連去須

黃蘗去麤皮微炙

陳橘皮湯浸去白炒各壹兩

右三味搗羅為散入丹砂少許合研令勻每服二錢

七沸湯點服不拘時候

治飛尸腹痛脹急衝心攻脇方

右取雞子一枚破取白生吞之困者搖頭令下

治飛尸心痛氣急胸滿宜取吐瓜蒂散方

瓜蒂

赤小豆

雄黃各壹分研

右三味搗研為散拌勻每服空心溫酒調一錢匕取吐惡物

尸注

論曰尸注者尸病注易於人也多因哭泣感染尸氣流注身體令人寒熱淋瀝沉沉默默不知所苦而無處不惡或腹痛脹滿喘急不得息上衝心胸傍攻兩脇或礫塊踊起或攣引腰脊或舉身沉重精神不爽每更節令愈加頓滯不治者死死則注易傍人故名尸注

治尸注發作無時腹脹喘急上衝心胸傍攻兩脇茯苓湯方

赤茯苓去黑皮

桂去麤皮各參分

芍藥

當歸切焙

生乾地黄焙

木香

芎藭各半兩

鬼箭羽

桃人去皮尖雙入炒各參分

右九味麤搗篩每服三錢匕水一盞煎至七分去滓溫服不拘時候

治尸注心亂如醉狂言驚悸夢與鬼交精神錯謬疾勢數變阿魏丸方

阿魏半兩醋化去砂石麩和作餅炙研

安息香壹兩酒化細研

木香

甘草炙剉

檳榔剉各半兩

皂莢拾肆挺如豬牙者酥炙去皮子

天靈蓋酥炙

麝香研

人中白研各壹分

豉微炒壹分

右一十味將六味擣為細末與別研四味和勻鍊蜜丸如梧桐子大用童子小便一盞入烏梅三枚蒸白三寸浸一宿煎數沸五更初下二十九

治尸注發歇無時心腹切痛桂香湯方

桂去麤皮

芍藥

木香

芫胡去苗各壹兩

芎藭

龍甲去裙襴醋炙

乾薑炮

吳茱萸湯浸焙乾炒常山各參分

右九味麝擣篩每服三錢匕水一盞半煎至八分去滓溫服不拘時

治尸注寒熱不思食味心腹刺痛虎掌丸方

虎掌

丹砂研各半兩

白茯苓去黑皮

龍齒各壹兩

當歸焙

蓬莪茂煨剉各參分

右六味擣羅為末用酒煮阿魏麩糊丸如梧桐子大每服二十九生薑烏梅湯下

治尸注惡氣兼治百病鸛骨丸方

鸛骨壹寸炙

桂去麤皮半兩

蝨蟲

斑猫各拾肆枚去翅足炒巴豆參拾枚去皮心膜炒

右五味擣研為細末鍊蜜丸如小豆大每服二丸溫水下日三

治尸注鬼邪日漸沉頓癩肝散方

癩肝壹具陰乾

右一味搗羅為散每服一錢匕水調下日三如一具未差更作服

治尸注鬼注變動多端丹砂丸方

丹砂研

雄黃研各壹兩

鬼白

莽草各半兩

蜈蚣貳條赤足者生用

巴豆肆拾粒去皮心膜不出油

研

右六味將三味搗羅為末與別研三味和勻鍊蜜丸如梧桐子大每服二丸溫酒下不拘時

治臨尸哭泣尸氣入腹沉滯藏府有時發動取勞積神

効蜜陀僧散方

蜜陀僧

半斤煨醋淬淘研控乾取陸兩

京三稜

煨搗末貳兩

訶梨勒

不去核生用搗末壹兩

右三味合研令勻每服二錢匕用煮麩濃湯調下當晚不食臨臥一服餘時勿服併服三夜次夜當下惡物不下第三夜加生牽牛子末一錢匕同調下

治尸注杏人丸方

杏人

去皮尖雙

亂髮灰

各壹分

右二味研勻和丸如小豆大每服五丸猪膏酒調下

治尸注蜀椒熨方

蜀椒壹斤

右一味帛裹於注上以熨斗盛火熨椒令熱汗出神効

治五尸蠱注中惡客忤心腹刺痛丹砂丸方

丹砂

乾薑

芎藭

烏頭

炮裂去皮臍各壹兩

赤芍藥

桂

去麤皮各貳兩

野葛

吳茱萸

湯浸焙炒各參分

巴豆

去皮心熬出油貳拾粒

芫花

醋浸半日炒焦色半兩

右一十味搗研為末鍊蜜丸如梧桐子大每服五丸

米飲下日二服

治尸注邪氣流傳忽然悶絕時發寒熱淋瀝或腹痛脹

滿鸛骨丸方

鸛骨

雄黃

桂

大黃

麝香

丹砂

赤足蜈蚣

酒浸炙壹條

右七味搗羅為末鍊蜜和丸如梧桐子大每服二十

丸桃枝煎湯下

諸注統論

論曰諸注者邪氣所注也皆因精神衰弱經絡空虛傷

於風寒暑濕飲食勞倦或感生死之氣或挾鬼物之精
初爲中惡客忤卒死諸尸之類雖或暫差必有邪氣伏
于經脉流傳府藏深挾骨髓經久不已皆成注病變狀
多端時發時差令人昏悶無不病處若因風寒暑濕之
邪所注者則爲風注寒注涼注冷注溫注濕注之病若
因飲食勞倦之邪所注者則爲食注飲注酒注水注之
病若因感生死之氣而爲其邪所注者則爲喪注哭注
轉注之病若因挾鬼物之精而爲其邪所注者則爲鬼
注邪注尸注殃注之病犯土禁成注者爲土注產後得
注者爲產注虛勞所成注爲勞注邪氣外侵爲泄注凡

此諸注以受病之因爲名也邪注于肺則爲氣注邪注
于榮則爲血注久注不已傷損骨髓則爲骨注凡此諸
注以病之所在爲名也又有石注者言其牢強如石走
注者言其遊走無常凡此諸注以病之形變爲名也名
類雖多各有形證合而言之皆注病也治注病者欲辨
是非但覆紙於痛處燒髮令焦投於紙上若髮黏紙者
注氣引之也不黏者非注也審知其因隨證治之無專
門者通用諸注法調之諸注之診脉浮大者可治細而
數者難治

諸注

論曰諸注者邪氣停住而為病也蓋由經絡空虛傷於風寒暑濕或因飲食勞倦或因大病後氣虛邪氣流注或感死氣或犯鬼邪皆致是疾其狀變易不同各循其本而治之

治五注卒中賊風遁尸鬼邪心腹刺痛脹急大黃飲方

大黃煨

桂去麤皮各壹兩半

赤芍藥

甘草炙剉各壹兩

烏頭炮裂去皮臍伍枚

右五味剉如麻豆每服五錢匕水一盞半入生薑一分拍碎蜜一匙頭同煎至七分去滓空腹溫服

治中惡五注五尸入腹胸脇急痛鬼擊客忤停尸垂死

者此藥入喉即愈若口噤則斡開不可斡者扣牙齒折以竹管下藥先以少許湯或水內藥竹管瀉喉中五注

丸方

王丹砂研

甘遂微煨

附子炮裂去皮臍

雄黃研各壹兩

豆豉暴乾

巴豆去皮心壓出油盡各陸拾

枚

右六味除巴豆外搗研為末將巴豆同研勻鍊蜜丸如梧桐子大密器貯之每服二十九米飲下以知為度未知加丸數服若不發者以粥飲投之利不止者與酢飯一兩匙止之

治五尸注赤芍藥丸方

赤芍藥剉壹兩 吳茱萸湯浸焙乾炒 丹砂研

蜀椒去目并開口者炒出汗 烏頭炮裂去皮

乾薑炮參分 桂去麤皮壹兩

右七味搗羅為末鍊蜜丸如小豆大每服十九空腹

溫酒下日三

治五注瘦病伏連諸鬼氣丹砂丸方

丹砂研壹兩 麝香研參分 桃人湯浸去皮尖

拾枚

右三味各研細再和研勻入少鍊蜜丸如小豆大每

服十九米飲下日三

治諸注令人沉默不知所苦累年積月以至全家流注

備急獺肝散方

獺肝壹具陰乾

右一味搗羅為散每服一錢匕熱水調下日三服

治五注復連及親近死尸致惡氣入腹終身不愈者方

阿魏研壹分

右一味以頭醋和麩半兩入阿魏裏作小餠飽熟煮

作三次吞之一日令盡服滿三七日永差

治五注積年心痛鬼氣蠱毒百病悉瘳麝香丸方

麝香研參分

牛黃研

藜蘆炙

赤朱

鬼臼去毛炙各半兩

當歸切焙參分

蜈蚣炙去頭足壹枚

芍藥剉

雄黃研各半兩

白茯苓去黑皮

桔梗炒

金牙碎

桂去麤皮

人參各參分

乾薑炮

吳茱萸湯浸焙炒

貫衆各半兩

丹砂研參分

鬼箭羽兩半

巴豆去皮心膜出油壹兩 蜥蜴炙去頭足壹枚

獺肝炙熟壹具

右二十二味搗研為末鍊蜜丸如小豆大每服五丸空心米飲下日再服稍加至七丸

治五注伏尸等病殺鬼丸方

虎頭骨酒炙參兩

藜蘆陸兩

豬牙皂莢炙

鬼臼

雄黃研

蕪荑人

天雄炮裂去皮臍各壹兩

右七味搗研為末鍊蜜丸如小彈子大每夜燒一丸

五月五日午時合佳

治五勞七傷尸注所侵心腹疔痛飲食不化兩脇鼓脹皮膚攣縮等病萬病丸方

遠志去心

澤瀉

石斛去根

柏子人別研

雲母飛水

石韋去毛

杜仲去麤皮炙

天雄炮裂去皮

牛膝去苗酒浸切焙

白茯苓去黑皮

菖蒲

山芋

熟乾地黄焙

肉苁蓉酒浸切焙

續斷

乾薑炮

甘菊花

桂去麤皮

五味子

蛇床子炒

山茱萸各半兩

桔梗炒

防風去

白朮各壹兩

附子炮裂去皮臍肆枚

天門冬去心焙

細辛去苗葉參分

右二十七味搗羅為末鍊蜜和杵千下丸如梧桐子

大每服二十九空心溫酒下春秋日再服夏季日一

服冬季日三服如久服即減天雄附子各一半

治諸注麝香散方

烏雌雞壹隻籠罩勿與食三日只與水喫至第四日以後日以活蟻娘與雞食之飽後便下糞

焙乾取壹兩

麝香分壹

獺肝炙熱乾壹兩

右三味以獺肝搗羅為散次入麝香雞糞再研極細

每服三錢匕以米飲調下日三

治五注與鬼神狐狸精魅鬼疰交通野狐丸方

野狐鼻柒枚

豹鼻柒枚

狸頭骨壹枚

雄黃壹兩

阿魏貳兩

鬼箭羽壹兩

露蜂房壹兩

白朮壹兩

大虫頭骨壹兩

驢馬狗駝牛毛

各肆分燒作灰若用骨加妙

故人腦骨壹兩

右一十五味搗羅爲末攪和令調勻又以水煮松脂候烱接取以和之時勿以手攪將大蟲爪和攪爲丸用水磨下一九分一半別搗雄黃末爲衣以床下火燒之衣被覆之勿令洩藥烟并氣未汗出水磨二九分飲一半須臾候等時如汗不通約行十里再煖餘一服溫喫服後平身坐少時平身臥熱烘衣被和頭通身蓋臥令厚暖服藥處須在暖房中無令風入如汗出以燈燭照手足指及節間當有毫毛生出如青黃白色卽一服見効如赤色須三次服如毛黑色必死之證如汗出以青絹拭徧身日出時於黑漆盆內洗當有蟲如麩

片是驗大腸取下黑水紫黯惡黃白膿涎如諸般蟲等物是効次卽服和氣藥

治尸注傳尸服逐下藥後補虛防已散方

防已

人參

白茯苓

去黑皮

鬼白

鬼箭羽

附子

炮裂去皮

麴壹分

右七味搗羅爲散每服二錢匕以桃人研泔一盞煎至六分溫服日五服

治諸注皂莢丸方

豬牙皂莢

去黑皮酥炙研

白馬夜眼

炒令黑色研

安息香色炒令黑斑猫以糯米炒令米黑色去米并翅足不用餘即研之

蜈蚣壹條炙令黃色研蛇蛻壹條炒令黑焦研粉霜貳錢麪貳錢水滴和為餅

子煨令黃色研雄黃研丹砂研

硃砂研牛黃研犀角屑研

胡黃連各壹錢

右一十三味同研令勻以黃狗膽汁為丸如梧桐子

大別以丹砂末為衣每服五十九四更盡以桃人煎

湯下

風注

論曰風注者由體虛風邪之氣客於榮衛邪氣行遊連

滯停住故名風注其狀皮肉掣振痛無常處一年之後則有頭髮墮落頸項掣痛骨拉解鳴目疼鼻酸牙艸之證又十二風所注不同溫風所注頭痛欲解髮却中汗風所注頭痛體熱骨節兩強柔風所注遊腫在眼或在手脚水風所注噉食眠臥汗出九風所注腦轉肉裂目系痛惡聞人聲絕風所注暴倒仆口有白沫顛風所注被髮狂走遇物擊破狂風所注叫呼罵詈獨語談笑寄風所注口噤面喎四肢不隨糾風所注體生瘡脊毛墮落蛇風所注癩痺如蛇螫瘡或痒或痛罩風所注舉身戰動或鼻塞其狀雖異其為邪氣停注則一也

治一切風注痛安息香丸方

安息香研

乳香研各

白膠香研

地龍去土炒搗為末各半兩

桃人湯浸去皮尖雙人研貳柒

枚

沒藥研壹分

胡桃人研參枚

右七味同研勻為細末酒煎為丸如彈丸大每服一丸溫酒化下

治風邪注氣及南方百毒瘴氣疫毒脚弱腫痛濕痺金

牙散方

金牙碎壹兩

芫青去翅足炒貳柒枚

斑猫去翅足炒

亭長去翅足炒各柒枚

蜥蜴去頭足炙壹枚

蜈蚣去頭炙壹枚

雄黃研

丹砂研

龍膽頭去蘆

防風去

荏枝炙

大黃剉醋炒

曾青研

白茯苓去黑皮

桂皮去麤

松脂研

乾薑炮

烏頭炮裂去皮臍

細辛去苗葉

消石

野葛剉炒

大戟煨

商陸炙

蛇蛻皮炒

芫花醋炒

鸛骨炙

附子炮裂去皮臍

寒水石碎

蜀椒去目及合口者炒出汗

人參

貫衆

龍骨炒

露蜂房炒

巴豆去皮心出油盡

礬石鍊

天雄炮裂去皮臍

狸骨微炙

石膽研

莽草炙各壹兩

右三十九味搗研為細散以絳囊盛半兩帶之男左女右食前以漿水或酒隨意調下一字以知為度治風邪注氣并瘴癘疫氣脚弱小金牙散方

金牙碎壹兩

牛黃研壹分

天雄炮裂去皮臍

葶藶炒各半兩

蜈蚣壹枚長五六寸去頭足炙焦

黃芩去黑心

細辛去苗葉各半兩

萎蕤參分

蜀椒去目并閉口者炒出汗

由跋湯浸去骨炒各半兩

桂參去麤皮分

莽草微炙半兩

犀角鎊參分

雄黃研

丹砂研

麝香研各半兩

乾薑炮裂參分

烏頭炮裂去皮臍半兩

黃連去須壹兩

右一十九味除研者外搗羅為散後入研藥搗三五百下令極細溫酒調服二錢匕日三夜二以差為度以絳囊盛半分男左女右帶省病問孝不避夜行塗鼻人中晨昏霧露亦塗之一方無萎蕤由跋有女萎虎杖治風邪氣注入藏府悶絕目疼痛身冷或飛尸鬼注惡氣腫起周身流移無常處驚悸腹脹氣滿心痛恍惚悲懼不能飲食陰下濕痒大便有血或小便赤黃房中勞

極細辛散方

細辛去苗 黃芩去黑心 烏頭炮裂去

甘草炙 麻黃去節 芎藭

石南 莽草微炙 牛膝酒浸壹

天雄炮裂去皮 附子炮裂去皮 秦艽去苗

人參 牡蠣熱 乾薑炮裂

桂皮去麤皮 白茯苓去黑皮 桔梗炒

白朮剉參 當歸切 獨活去蘆頭

芫胡去苗各壹兩 梔樓去皮 杜仲去麤皮

椒去目并閉口者 防風去叉壹兩

右二十六味搗羅為細散空心溫酒調下三錢七服

訖半時辰更飲酒半升

治風注心腹刺痛上引胸背羌活湯方

羌活去蘆頭 大豆炒壹合 桑根白皮炙剉壹兩半

陳橘皮湯浸去白 芎藭壹兩

大腹并子煨

右六味麤搗篩每服三錢七水一盞煎至七分去滓

溫服良久再服

走注

論曰走注者風邪客於衛氣也風善行而數變衛氣之

行慄疾滑利邪氣相搏則淫溢皮膚去來擊痛遊走無常故名走注也

治久患走注氣疼痛烏頭散方

烏頭炮裂去皮臍

曼陀羅子炒

地龍炒

牛膝酒浸切焙各半兩

右四味搗羅為散溫酒調半錢匕日再服

治惡風走注天雄散方

天雄炮裂去皮臍

莽草

桂皮去麤皮

蜀椒去目及閉口炒出汗

虎頭骨塗酥炙

丹砂研

雄黃研各壹兩

木香兩半

右八味搗研為散每服一錢匕溫酒調下不拘時候

治走注風毒疼痛流移不定蒸熨方

芥子

壹升蒸熟暴乾為末 鉛丹兩貳

右二味和勻以踈布袋盛分兩處更互蒸熨熱薄痛

處

治走注惡氣偏僻皮膚疼痛如錐刺背胛牽強伏連羸

瘦發渴牛黃丸方

米牛黃研壹兩

人參

沉香剉

木香

枳殼去瓢炒

前胡

去苗各壹兩半

麝香研

黃連去須

犀角

鑿各壹兩

胡黃連參分

右一十味搗研為末鍊蜜為丸如小豆大每服空心米飲下二十九日再服

治走注疼痛如錐刺皮膚風氣心腹四肢疼痛枳殼丸方

枳殼去瓢炒

厚朴去麤皮薑汁炙各壹兩

犀角鎊半兩

桑根白皮炙剉壹兩 檳榔煨貳枚

芫胡去苗壹兩半

半夏湯洗焙乾為末薑汁和作餅暴乾

大黃剉醋拌炒各壹兩

右八味搗羅為末鍊蜜為丸如小豆大空心酒下二

十丸

治五尸鬼邪走注疼痛及風氣五香散方

沉香剉

丁香

木香

麝香研

薰陸香研

鬼箭羽

當歸焙切

沒藥研

肉豆蔻人各壹兩

牛黃研

桂去麤皮

鬼臼

陳橘皮湯浸去白焙

金牙各參分

犀角鎊

羚羊角鎊

大黃煨

人參

升麻

桔梗

桃人去皮尖雙人麩炒

丹砂研

安息香研各壹兩壹分

附子炮裂去皮臍壹枚正者

右二十四味搗研為細散湯飲或酒調服一錢七日再服

治久患走注疼痛蛇牀子散方

蛇牀子炒

葇苣子炒

芸薹子炒

胡荽子

芫花醋炒各壹兩

右五味搗羅為細散生薑自然汁煮麩糊調先用白

礬湯洗痛處後貼之

鬼注

論曰鬼注者忽因鬼邪之氣排擊當時即病心腹刺痛悶絕倒仆如中惡狀餘勢不歇停積彌久有時發動連

滯不已乃至於死死則注易傍人故謂之鬼注

治鬼注風冷飲食不消心腹脹滿攻刺心痛大便不通

玉壺丸方

雄黃研

丹砂研

礬石煨

附子炮裂去皮臍

藜蘆炒

巴豆

去皮心炒研壓出相各壹兩

右六味搗研為末鍊蜜丸如小豆大每服二丸三丸

米飲下取快利為度小兒以意減之

治鬼注入腹面目青黑不知人及心腹堅積結聚胸脇

逆滿嘔吐宿食不消千金丸方

雄黃研 兔白去毛

徐長卿炒

礞石煨 雌黃研

乾薑炮

蜀椒去目及閉口炒

地膽去翅足炒

野葛參 斑貓去翅足炒

射罔壹

右一十一味搗羅為末鍊蜜丸如小豆大每服一丸

空心米飲下日三不知加丸數以知為度若百毒所

螫牛馬踏傷癰腫瘰癧用一丸於掌中津唾和塗痛

正處立愈歲旦以椒酒長幼各服一丸終歲無病一方

加丹參半兩瓜蒂四枚

治鬼注中惡心痛積癖蠱注鬼氣八毒丸方

雄黃研

真珠研

礞石煨

牡丹皮

巴豆

去皮心炒出油各壹兩

藜蘆去蘆頭貳兩

附子

炮裂去皮臍參分

蜈蚣

去頭足炙壹枚

右八味搗研羅為末鍊蜜丸如小豆大每服米飲下

二丸得吐利為効

治鬼注惡風入中肌膚淫淫躍躍流無常處四肢不仁

牽引腰背腹脇脹滿心痛氣逆不得飲食吸吸短氣寒

熱羸瘦善怒夢鬼交通欬唾膿血犀角丸方

犀角鎊

桂去麤皮各半兩

羚羊角鎊

牛黃研

鬼臼去毛炙

附子炮裂去皮臍

獼肝炙熟各壹分 巴豆去皮心出油拾伍枚 蜈蚣去頭足壹枚

麝香研壹分 眞珠研 雄黃研

丹砂研各半兩 射罔壹分 貝齒燒拾枚

右一十五味搗研爲末鍊蜜丸如小豆大每服空心

酒下二丸日二

治初得遁尸鬼注心腹刺痛不可忍木香湯方

木香 丁香各壹兩 鬼箭羽去莖

桔梗去蘆頭剉炒 陳橘皮湯浸去白炒 紫蘇葉

當歸切焙各壹兩壹分 桃梟微炒柒枚 檳榔剉柒枚

右九味麤擣篩每服五錢匕水一盞半入生薑一分

拍破同煎至一盞去滓溫服日三如人行五七里再服以利爲度

治中惡鬼注解一切毒至寶丹方

璫瑁銹 雄黃研 丹砂研

安息香酒化重湯熬成煎 白芥子各壹兩

右五味除安息香外擣研爲末以安息香煎丸如棗

豆大溫酒研下十丸

治鬼注如中惡氣急腹脹滿如鼓攻心卽不可救廻生

丸方

巴豆去皮心膜出油拾枚 雄黃水飛研半兩

右二味同研麩糊丸如雞頭實大陰乾每服一九新汲水下

治鬼注傳尸五勞七傷六極鰻魚煎方

鰻魚寸切洗淨參斤附子炮裂去皮臍壹兩 芫胡去苗參分

芎藭 知母焙切 貝母去心

當歸焙切 鱉甲去裙襴醋炙 荆芥穗各壹兩

蕪荑人分壹分 木香參分 秦艽去苗土

青蒿子小便浸壹宿焙 黃耆剉 木通剉各壹兩

右一十五味除鰻魚外擣羅為末分作三貼每貼以鰻魚一介法酒三升於銀石器內煮爛去滓入藥末

一貼重煎如稀餈以淨器盛空心溫酒調下一匙七服了衣被蓋出汗加至二匙匕
治尸注鬼注一切勞疾千金湯方

青蒿酒浸壹宿焙 芫胡去苗 秦艽小便浸壹宿焙

柳枝 桃枝 茯神去木

麻黃去根節 桂去麤皮 知母焙切

白茯苓去黑皮 龍甲去裙襴醋炙 枳殼去瓤炒

常山各壹兩 天靈蓋壹枚小便酒共和浸炙

檳榔剉半兩

右一十五味麩擣篩每服五錢匕水一盞半童子小

便半盞薤白五寸豉五粒同煎至一盞去滓熱服十服後十指甲中生毛為候或青白色者不治

氣注

論曰氣注者邪氣傳注蘊伏於肺也肺主氣而通行表裏若為注氣所傳則其病隨氣遊是衝擊掣痛上喘奔急飲食不下是為氣注之候

治一切氣注大腸結澀背膊刺痛氣注四肢及食物不消奔豚氣逆厚朴丸方

厚朴

去麤皮薑汁炙參兩桂皮去麤

大黃

剉碎醋炒各貳兩

桃人

湯浸去皮尖雙人炒參兩

右四味搗羅為末研勻鍊蜜為丸如小豆大每服三十丸米飲下食後臨臥服微利即効一方加附子一兩炮裂去皮臍

治氣注刺痛白蕪蕪散方

白蕪蕪

微炒

附子

炮裂去皮臍

白檳榔

煨

陳橘皮

湯浸去白焙

乾薑

炮

桂皮

去麤

零陵香

各壹兩

安息香

研半兩

藿香子

參

右九味搗研為散每服三錢匕空心熱酒調下

治氣注羸瘦歷年停滯胸滿結痞飲食或吐宿食不下中風鬼注千金丸方

中野葛多肆寸

斑貓拾枚去翅足炒

雄黃研

雌黃研

乾薑炮

鬼白去毛微炙食下

瓜蒂炒

丹砂研

礬石鍊

沙參

莽草

椒目炒各半兩

地膽剔去翅足炒

右一十三味搗羅為末鍊蜜為丸如小豆大每服酒下五九日二服卒中惡悶絕不知人服二丸老小一丸牛馬舐踐豬犬所嚙癰腫若蠱毒所齧用一丸於掌中唾和塗瘡口毒上立愈正月旦以酒服家中大小各一九一年中不病若欲視病人先服一九佳

治注氣胸膈滿塞心背撮痛欲絕茈胡湯方

茈胡去苗

甘草炙剉各壹兩半

木香貳兩

檳榔煨剉拾枚

當歸切焙壹兩半

犀角錫貳兩

麝香研旋入

右七味除麝香外麤搗篩每服五錢匕水一盞半煎至一盞去滓入麝香少許再煎至八分溫服日再

治注氣肩膊刺痛不移桃人飲方

桃人

湯浸去皮尖雙人炒

人參

赤茯苓去黑皮

桂去蠟皮

丁香

甘草炙剉

右七味等分麤搗篩每服五錢匕水一盞半煎至八分去滓臨臥頓服

治風冷注氣刺痛胸膈轉動不得四肢厥冷面目青黃又如鬼氣狀延胡索散方

延胡索

橘核炒

人參各半

乳香研

地龍去土炒

各壹分

右五味搗研為散每服一錢匕溫酒調下日再

治注氣背膊疼痛心胸煩悶調氣湯方

京三稜煨

木香各壹兩

檳榔煨剉

草豆蔻去皮

高良薑各壹兩半

當歸切

芎藭各半兩

桂去麤皮

人參各參分

芍藥

陳橘皮湯浸去白焙

白茯苓去黑皮各半兩

陳麴微炒壹兩

阿魏麴裏煨研半兩

右一十四味除阿魏外麤搗篩再和勻每服三錢匕水一盞煎至七分去滓入鹽溫服

治注氣兼冷氣心腹痛或卒得注痛如鬼祟牛黃丸方

牛黃研

阿魏研各半分

丹砂研

安息香研各半錢

肉豆蔻去殼壹枚

桂去麤皮

木香

當歸切焙各壹分

檳榔炮剉貳枚

桃人湯浸去皮尖雙人炒肆拾枚

右一十味搗研為末用糯米飯為丸如麻子大每服十九空心溫酒下日三

治卒注氣木香散方

木香

當歸切

白朮

桂去麤皮

白茯苓去黑皮各壹兩

右五味搗羅為散每服二錢匕沸湯點服不拘時日

三

卒魘不寤

論曰其寐也竟交其覺也形開若形數驚恐心氣妄亂精神惛鬱志有搖動則有鬼邪之氣乘虛而來入於寢

寐使人魂魄飛蕩去離形骸故魘不得寤也久不寤以致死必須得人助喚并以方術治之乃蘇若在燈光則魘者是魂魄本由明出喚之無忌若在夜暗處魘者忌火照火照則神魂不復入乃至於死又人魘須遠呼不得近而急喚恐神魂或致飛蕩也
治心氣怯弱常多魘夢恍惚謬忘鎮心丸方

紫石英貳兩研

丹砂壹兩研

雄黃研

白茯苓去黑皮

茯神去木

銀屑

菖蒲

桔梗去蘆頭炒

人參

乾薑炮

遠志去心

甘草炙剉各貳兩

防風去蘆頭

防已

當歸切焙

桂去麝皮

鐵精

細辛去苗葉各壹兩

右一十八味搗研羅為末鍊蜜丸如梧桐子大每服十九丸食後熟水下日三稍增之

治形體虛羸心氣怯弱多魘善忘小定心湯方

茯苓去木壹兩 甘草炙 芍藥

乾薑炮 遠志去心 人參

桂去麝皮各貳兩

右七味剉如麻豆大每服五錢七水一盞入棗三枚

摩煎取七分去滓溫服日三

治卒魘不寤方

右搗薤取汁吹兩鼻孔冬月取韭絞汁灌口中

又方

以蘆管吹兩耳并其人頭髮二七莖作繩內鼻孔中割雄雞冠取血以管吹喉咽中大良

治卒魘方

以鹽湯灌之多少在意

治魘及惡夢方

用麝香不以多少安頭邊佳又灌香少許在口中

又方

以雄黃如棗核繫在腋下令人終身不魘

治卒魘不寤方 少艾葉數封艾斷香之指亦口中

伏龍肝末或末雄黃或末桂心以蘆管吹入兩鼻孔

中

又方

凡卒魘之人多語聲不出不必高叫但敲臥床其人

當自寤

治卒魘寐不寤魂魄外遊為邪所執錄欲還未得切忌

火照治之方

治卒皂莢壹兩去皮
子生用

右一味搗羅為散每用一字許吹兩鼻竅中魘至死

三四日猶活

治卒魘死方

右以井底溼溼死人目令垂頭就井呼姓名即活此

法靈異莫測

又方

勿以火照但痛齧其足後跟及足大指爪甲即活齧

不其踵不覺者宜用礬石散方見鬼擊門

中惡

論曰志弱心虛精神失守忤犯邪惡令人心腹暴痛悶

亂如死無所覺知故曰中惡又曰卒忤蓋陰陽否隔氣道厥逆上下不通陽氣散亂故令不知人也氣還則生不還則死久不已則變注

治卒中惡客忤五尸入腹鬼刺鬼排及中蠱毒注吐血下血及心腹卒痛腹滿寒熱毒病備急散方

雄黃研貳兩

丹砂研壹兩

附子炮裂去皮臍壹兩壹分

桂皮去麤皮

藜蘆各壹分

巴豆人參拾伍箇去心熬

蜀椒去目并閉口炒出汗半兩

野葛參分

芫花醋炒肆錢

右九味將巴豆別治如脂餘為細散以巴豆合搗令

勻菴器貯之密封勿泄氣遇急病水服一字許加至半錢匕老幼減半病在頭當鼻衄在膈上則吐在膈下則利在四肢則汗出而愈

治中惡心痛胸脇疔刺喘急桃皮湯方

桃東行枝白皮剉壹握

丹砂研壹兩

梔子人拾肆枚

當歸切燉參兩

桂去麤皮參兩

附子炮去皮臍壹兩

香豉炒

吳茱萸湯洗焙乾炒各伍兩

右八味除丹砂外剉如麻豆和勻每服五錢匕水一盞半入生薑半分切碎煎取七分去滓入丹砂末半錢匕溫服

治卒中惡心腹刺痛去惡氣麝香散方

麝香研壹分

犀角屑

木香各半兩

右三味搗研為散拌勻每服二錢匕空心熟水調下

日再未止更服

又方

韭根壹握切

烏梅拾肆枚碎

吳茱萸湯洗焙乾炒貳兩半

右三味以潦水五升煮之以病人櫛內其中三沸櫛

浮者生沉者死者煮取三升時飲之

治中惡心腹痛欲絕方

伏龍肝伍合

鹽壹撮

右二味和研每服一錢匕水一盞調下

治中惡喘急桃皮湯方

桃皮

白楊皮各壹握

梔子拾肆枚

真珠研

當歸切

桂去麤皮各參兩

附子炮裂去皮臍壹兩

吳茱萸湯洗焙炒

香豉各半兩

右九味除真珠末外剉如麻豆每服五錢匕水一盞

半入生薑一棗大切煎至一盞去滓內真珠末半錢

匕攪勻溫服

治中惡遁尸心腹及身體痛甚者短氣不語以手按之
得其痛處則病人色動恐人近之宜艾葉傳方

取生艾小葉按碎傅痛上厚寸餘以沸湯和灰作泥
令熱傅艾上冷則易之不過再傅愈

治中惡氣欲絕不省方

皂莢生爲細末內鼻孔中一方用細辛等分取屑如
胡豆大吹兩鼻中

治中惡氣欲絕方

取新牛糞絞汁服無新者卽以乾者浸汁服

又方

仰臥以物塞兩耳以兩竹筒內病人鼻中使兩人痛
吹之塞口傍無令氣得出半日病人卽噫噫則勿復

又吹也

卒死

論曰卒死者緣人有三虛一謂乘年之衰二謂逢月之
空三謂失時之和賊風鬼邪之氣乘虛而入故令陰氣
偏竭於內陽氣阻隔於外二氣壅閉不得升降厥氣上
行而暴絕也氣還則復生不還則死內經曰出入廢則
神機化滅升降息則氣立孤危蓋謂是也

治卒死及中惡尸蹇葱刺耳方

右以葱中央心刺耳中令入七八寸無苦使目中血
出立活亦可男左女右刺鼻內一云耳中血出佳

又方立時亦取良空文水或燒酒內一二匙口中含之
令二人以衣擁口以筆管強力吹兩耳困即易人吹
之

又方以綿漬好酒手授令入鼻中并持兩手勿令驚動
扁鵲治卒死方
空濕牛馬糞絞取汁灌口中令入喉若口噤者幹開灌
之不可幹者扣折一齒下之若無新馬糞以水或人
尿和乾者絞取汁用之

又方

陳半夏末如大豆許吹鼻中

又方

擣薤韭取汁以灌口鼻中

又方

豬膏如雞子大苦酒一升煮沸灌喉中

治卒死而壯熱者方

白礬半斤煮令消漬脚令沒踝

治卒死而目閉者方

騎牛臨其面搗薤汁灌耳中又末皂莢吹鼻中

治卒死四肢不收失便者方

馬糞一升以水三斗煮取二斗洗足又取牛糞一升
溫酒和絞去滓灌口中

尸厥

論曰內經謂邪客於手足少陰太陰足陽明之絡五絡
俱竭令人身脉皆動而形無知其狀若尸故曰尸厥蓋
五絡皆會於耳中苟為邪所客則其氣逆厥上下暴隔
五絡閉結而不通故俱竭而令人狀若尸焉治法當先
刺其足大指內側爪甲上去端如韭葉後刺足心後刺
足中指爪甲上各一瘡後刺手大指內去端如韭葉後
刺手心主少陰銳骨之端各一瘡立已不已以竹管吹

兩耳使氣脉踈通內助五絡然後以藥石治之
治五絡閉竭病發尸厥不知人通微丸方

管實根

伍兩 薔薇根是也

白薇

參兩

虎骨

獺肝

微炙

五靈脂

各貳兩

丹砂

別研

消石

別研

雄黃

別研

代赭

別研各壹兩

右九味搗羅為末鍊蜜和丸如彈子大溫木香酒化
下一丸日三以知為度不計時

治尸厥之病卒死而脉猶動聽其耳中循循有如嘯聲
而股間煖是也耳中雖無嘯聲而脉動亦當以尸厥救

續錄一百
四十一
之方

右以竹管吹其左耳極三度復吹其右耳三度即起

又方

搗菖蒲末如棗核大著舌下又內下部中

治尸厥脉動而無氣氣閉不通故冥然如死方

右以菖蒲末吹入兩鼻孔中又以桂末著舌下

治尸厥方

鬻左角髮方寸燒灰以醇酒一杯飲之不能飲者灌

之立已

又方

以繩圍兩臂腕男左女右伸繩從大椎度下行當脊
上灸繩頭五十壯即活

治尸厥方

熨兩脇下又取竈中墨如彈丸以漿水和飲之須臾
可三四度又取梁上塵如小豆許竹管吹入鼻孔中

鬼魅

論曰心者精之合神之舍也心氣不足精神衰弱邪氣
乘虛而感則為鬼魅其狀令人喜怒不常情思如醉或
狂言驚怖向壁悲啼夢寐多魘與鬼交通病苦乍寒乍
熱腹滿短氣不能食診其脉人迎氣口乍大乍小乃鬼

魅所持之候也

治感鬼魅邪氣驚怖悲啼休作有時九精丸方

牛黃研

荆實

會青研

玉屑研

雄黃研

空青研

赤石脂研

玄參

龍骨各壹兩

右九味搗研為末鍊蜜丸如小豆大每服一丸食前

溫酒下日三以知為度

治邪氣鬼魅所持妄言狂走恍惚不識人煞鬼五邪丸

方

丹砂研

雄黃研

龍骨

鬼白去毛

參拾枚

鬼箭羽去莖各兩半

赤小豆壹兩

芫青炒去翅足

桃人湯浸去皮尖雙

右八味除研者外搗羅為細末入雄黃丹砂再研拌

勻鎔蠟和丸如彈子大囊盛之男左女右繫於臂上

小兒繫於頭上合藥時勿令婦人雞犬見亦可用蜜

和為丸梧桐子大每服一丸米飲下日三

治邪氣鬼魅脉見人迎氣口時大時小黃環丸方

黃環伍兩

琥珀研參兩

丹砂研

生銀水磨細

龍膽各貳兩

白頸蚯炒微

玄參去心

大黃炒

蘭茹各壹兩

右九味為細末酒煮麩糊和丸如棗豆大雞鳴及日
中時用溫麝香酒下十九丸稍加至二十九丸以知為度
治鬼魅四物為頭散方

東海鳶頭湯洗未偏焙乾由跋是也 良莖炒

金牙石研 防葵炒各壹兩

右四味搗羅為細散每服一錢匕溫酒調下

治妖魅病人不言鬼方

鹿角銹屑

右一味擣羅為細散水服方寸匕自言則差

治精魅感著語言狂亂悲怖不常不飲食方

水銀壹兩

右一味入漿水一盞炭火上煎取三分去火取水銀

如豌豆大空腹溫水下三丸晚再服一九日三

辟鬼魅方

虎爪燒貳兩 丹砂細研 雄黃細研

蟹爪燒各壹兩

右四味除研者外擣羅為細末再入研者拌勻鎔蠟
為丸如梧桐子大每至正旦及有狐魅處焚之甚効
以熏巫人即神去

治鬼迷不寤方

雄黃研如粉

右一味吹入病人兩鼻中差

辟諸邪祟附著及小兒驚哭恐悸方

安息香

右一味取一皂子大焚燒令煙起邪自去

鬼擊

論曰精全則神王精耗則神衰精神耗衰血氣虛弱則邪氣易襲故邂逅鬼邪相遇則為鬼擊之病其得之無漸卒著人如矛戟所傷令人胸脇腹滿急痛不可按抑或即吐血或衄或下血輕者獲免重者或至不救治宜

符禁之法兼以辟邪安正之劑

治鬼氣排擊心腹刺痛吐下血死不知及臥魘齧踵不覺者礬石散方

特生礬石鍊

皂莢去皮炙

雄黃研如粉

藜蘆去蘆頭微炒各壹兩

右四味搗羅為散以竹筒吹大豆許入鼻中得嚏則氣通氣通即活未嚏者復吹之又一方加丹砂麝香各半分

治卒得鬼擊如刀刺胸脇腹內急痛不可按抑或即吐血或鼻中出血或下血升麻散方

升麻去蘆獨活去蘆

桂去麝皮 各半兩

右三味搗羅為散每服一錢七溫酒調下一方去桂

加犀角屑半兩又一方去獨活加大黃半兩

治鬼排擊方

熟艾雞子大 參枚

右一味以水五盞煎取兩盞去滓頓服之

又方

以濃酒吹灌鼻中

又方

以鹽一兩水二盞和攪飲之并以冷水澀之須臾得吐即差

治卒中鬼擊及刀兵所傷血漏腹中不出煩滿欲絕雄

黃散方

雄黃壹兩

右一味研為散溫酒調一錢匕服日三而化為水

治卒鬼擊如中箭忽然一點痛如注不可忍方

右以桃皮一片將裏面濕處貼痛上取一匙頭安桃

皮上緊搓艾一團如胡桃大安匙頭上灸之須臾痛

微徹

治卒中鬼擊方

雞冠血

右一味瀝口中令下咽仍破此雞以搗心下冷即棄

於道傍得烏雞佳

又方

豬脂

黃右一味取雞子大服未差再服

又方

雞屎白

微炒壹兩

青花麻

壹握

右二味以酒三升煮取一升去滓熱服須臾汗出若

大不汗即以火炙兩脇下使熱得汗乃愈

新金一百

四十六

大德重校聖濟總錄卷第一百



